



UPA 2026/115
6/5-2026
Hans Erik Enoksen

Kalaallit Nunaannut aammalu Kalaallit Nunaanniit timmisartuussinerni imermik Kalaallit Nunaanni imeqarneqartumik sassaalliteqartoqartalernissaa sulissutigineqassasoq, ilanngullugu attuumassuteqartunik suleqateqarnikkut soorlu timmisartuutileqatigiiffiit aammalu Visit Greenland Naalackersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Lars Poulsen, Siumut)

(Siullermeerneqarnera)

Qujanaq Inatsisartunut ilaasortaq Lars Poulsen siunnersuummut.

Maani nunatsinni imeqarfeqarpugut arlalinnik nunarsuarmi pinguinnerpaanik. Paasinarluinnarpoq, nunatsinnut nioqqutissaatitsinnillu oqaluttuarisaanermut annertunerusumik atortarnissaat. Minnerunngitsumik angalasorpasuit, ukiut tamaasa tikeraartorisartakkatta naapittarneranni.

Tassunga ilutigalugu pingaartuuvoq, piviusoq aallaavigalugu ingerlatsinissarput. Naalackersuisut eqqortumik tikkuarpaat, inuussutissarsiortut qanimut suleqatigalugit aammalu niuernermi atugassarititaasut aallaavigalugit ingerlatsissasugut. Pisortat aqussanngilaat, timmisartumi suut sassaallitigineqartassanersut, sinaakkusiissallutilli, nunatsinneersunik toqqaanissamut piukkunnaatilinnik, kalaalerpaluttunik aaqqiinissanut.

Demokraatinut tamanna pullavik, pingaanneruvoq. Inuussutissarsiornep ineriartornissaa nalilinnillu pilersitsinissaq tapersersussavagut, akisussaassuseqartumilli suliarissallugit aammalu inuussutissarsiortunut pisariaqanngitsumik piumasaqaateqarata.

Taamannak oqareerluta, siunnersuuteqartoq isumaqatigaarput, silatusaarnerusoq suliniutigissallugu, Kalaallit Nunaanneersunik sassaalliisarnissaq timmisartuussinerni Kalaallit Nunaannut aammalu Kalaallit Nunaanniit. Tassani imeq kisimi pineqarani, aammali nerisassat aamma pineqarput.

Taamatut oqaaseqaateqarluta siunnersuut Inuussutissarsiornermut- aamma Aatsitassanut ataatsimiitaliami suliareqqinneqartussatut innersuussutigaarput.